

QUART

De ioù veun-ti lo noun Vatican?

Eun cou, lo Vatican l'ie lo noun d'eun tsanti de *Roma*, di djé dret di *Tevere*, fran eun fasse di Tsan de Mars é a drèite di *Gianicolo*. Dampremi l'ie an câra maasan-a é imidda; to vacco, maque boun pe alé eun tsan.

Tchica de tèn aprì, *Agrippina* l'a fé de dzèn dzaldeun, de sise croué vacco ba i foun de la couta.

Toujòu lé pe lo Vatican, l'ampéreur Néroun l'a fé fée eun-a pégnasse ariounda rezervae pe le djoà; lé dedeun soun itoù tchou le premi martire critchèn, é euntre leue co l'apotre Pière, que l'è itoù euntéroù fran lé.

Dèi adón, si tsanti l'è vin-i eun semeteurio tan pe le critchèn comme pe sise que créoun pa, tanque i tèn de l'ampéreur Costanteun que, deun le-z-àn que van di 326 (trèi sèn é veuntechou) i 333 (trèi sèn é trèntetrè) aprì Jezeu Cri, l'a baillà odre de fée eumplan-i lo soundzouùn de la crita pe lèi fée bâti la premie grousa iillise dediae a sèn Pière.

Aya i Vatican lèi ite lo Sèn Pée. Ma l'è pa toujòu itoù péi: i Moyèn-Adzo lo Sèn Pée restae dedeun lo palasse di Latrà, é pi taa dedeun d'atre eumpourtante bâtise de Roma, comme lo Quirinale, ioù oueu lo dzoo reste lo prezidàn de la repebleucca italièna.



lo gnalèi



Région Autonome
Valle d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

Conte pe le petchoù de inque - Contes pour les enfants d'ici
Tome II, Histoires d'animaux

Rita Decime, Musumeci Editeur, Quart (Ao) 1984

Texte publié en 2008 sur « Revue »

Collaborateur de Quart pour la traduction: **Marisa Rosset**

La transcription a été soignée par le Guichet Linguistique